



**Sámi allaskuvla**  
Sámi University College

OAHPPOPLÁNA

---

# BACHELORBARGU

**15 oahppočuoggá**

**DUOJI BACHELORAS**

## **1. Fága namma**

Bachelorbargu  
Bacheloroppgave  
Bachelor thesis

## **2. Oppalaš diedut oahppu birra**

<b>Fága/oahppoovttadaga koda</b>	BADUO
<b>Man dási oahppu</b>	2N
<b>Galle čuoggá</b>	15 oahppočuoggá
<b>Galle lohkanbaji</b>	1 lohkanbadji
<b>Mo oahpahuš lágiduvvo</b>	Bagadallama bokte, Sámi allaskuvllas Guovdageainnus

## **3. Makkár oahppoprográmmain lea dát oassin**

Bákkolaš oassi Duoji bachelorprográmmas. Oahppoovttadat sáhtta ohcama vuodul dohkkehuvvot oassin eará bachelorprográmmaide.

## **4. Sisaváldingáibádusat.**

Obbalaš lohkaŋgelbbolašvuohta dahje reálagelbbolašvuohta, ja sámegiella, ja duodjeduogáš.

## **5. Oahpahušgiella**

Sámegiella

## **6. Sisdoallu**

Studeanta, gii čađaha olles bachelora, dahká oktagaslaš duodjefágalaš barggu fáttás, maid ieš lea válljen ovttasráđiid nammaduvvon bagadalliin, gii galgá bagadallat studeantta barggadettiin. Studeanta ráhkada plána maid bagadalli dohkkeha. Bargu lea duodjebargu masa studeanta vállje bargovugiid ja maš čájeha fágalaš ovdáneami. Bachelorbargu lea duddjonoassi ja čálalaš čilgehus. Čálalaš čilgejumis berre boahtit ovdan studeantta fáddáčilgehus, ulbmilat bargguin, bargočilgehus (metoda) ja reflekšuvdna.

## **7. Oahppanjoavssus - máhtolašvuohta**

Bachelorbarggu joksosat leat ahte studeanta

- gažada ráddjejuvvon čuolmma

- máhtta oktiibidjat duddjonplánema ja duddjoma ráddjejuvvon čuolmma siskkobealde
- čilge ja ákkastallá iežas válljemiid bargoproseassas čálalaččat
- máhtta ovdanbuktit bohtosa čuolmma ektui duddjomiin ja čálalaččat
- hutká ovdanbuktinvuogi mas oaidná proseassa čuolmma ráhkadeamis gárvves bohtosii

## 8. Oahppanvuogit

Studeanta oažžu bagadallama čállima ja duddjoma oktavuodas. Studeanttas lea vuoigatvuohta oažžut bagadallama unnimusat 3 geardde bargadettiin.

## 9. Gáibádusat beassat eksámenii

Studeantta evttoha:

- fádda ja čuolmma, maid bagadalli dohkkeha. Áigemeari buktit dohkkeheapmái bidjá bagadalli.
- lohkanmearri, maid bagadalli dohkkeha. Áigemeari buktit lohkanmeari bidjá bagadalli.

## 10. Eksámen

Bachelorbargu lea oktogaslaš eksámen. Bargu árvvoštallojuvvo guovtti oasis: gárvves duodji fáttá siskkobealde ja 10-15 siiddu viidosas čálus fáttá siskkobealde, dat siskkilda nammasiiddu rájes gitta gáldosiidui. Čálus galgá sámegillii, muhto sáhtta sierrá ákkaid geažil ohcat eará gillii čállit. Studeanta ráhkada čájáhusa mas čájeha barggu. Deaddu lea duoji 50 % ja čálalaš bargu 50 % loahpalaš árvosánis.

Árvosátni eksámenis addojuvvo ECTS vuogádaga mielde, mas A lea buoremus árvosátni ja E lea vuolimus ceavzínárvosátni. Árvosátni F mearkkaša ahte ii leat ceavzán. Barggut árvvoštallojuvvojit bustávvaárvosániiguin (A-F). Son gii oažžu árvosáni F (ii leat ceavzán) eksámenis, sáhtta geardut eksámena Sámi allaskuvlla dábálaš njuolggadusaid mielde. Muđui čujuhuvvo Sámi allaskuvlla árvvoštallan- ja eksámennjuolggadusaide.

## 11. Oahppočuoggáid dohkkeheapmi

Jos studenta lea váldán eará sullasaš fága, dat árvvoštallojuvvojit sierra ohcama vuodul. Čujuhuvvo U/A láhkii § 3-5.

## 12. Lea go privatisttain vejolaš váldit dán fága

Ii leat.

## 13. Kvalitehtasihkkarastin

Čujuhuvvo SA kvalitehtasihkkarastinvuogádahkii, ja makkár vejolašvuodát/geatnegasvuodát studeanttain lea árvvoštallat Sámi allaskuvlla oahppofálaldagaid ja bálvalusaid kvalitehta.

Studeantadásis oahppu árvvoštallojuvvo evaluerenčoahkkimis ja studeanttat devdet árvvoštallanskovi oahpu loahpahettiin. Ásahusdásis oahppu árvvoštallojuvvo studeantaárvvoštallamiid, eksámenraporttaid, sensorraporttaid ja fágaraortta vuodul.

## **14. Lohkanmearri**

Lohkanmearri galgá leat 300- 400 siiddu, ja galgá leat relevánta bachelorbarggu fáddái. Studeanta vällje ieš lohkanmeari maid bagadalli dohkkeha.